



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ ՄԱՐԶ ՎԱՐԴԵՆԻՍ ՀԱՄԱՅՆՔԻ ՂԵԿԱՎԱՐ

Հասցե՝ ՀՀ, Գեղարքունիքի մարզ, Վարդենիս Հ. Անդրեասյան 4
Հեռ.՝ (0269)22031, Էլ. փոստ՝ vardenis.gegharquniq@mta.gov.am

09 սեպտեմբերի 2025թ.

«ԱՎԵՏԻՍ-ԽԵՅԻ» ՍՊԸ տնօրեն

Գ.Ներսիսյանին

ՀՎՀՀ 04215828

Հասցե՝ ՀՀ, Արարատի մարզ, գ. Բերքանուշ

Հեռ. 055-80-16-33

e-mail: avetisxeci@mail.ru

ԾԱՆՈՒՑՈՒՄ

(Պայմանագիրը միակողմանի լուծելու մասին)

Հարգելի՛ պարոն Ներսիսյան,

Վարդենիսի համայնքապետարանի կողմից կազմակերպված ՀՀԳՄՎՀ-ԳՀԱՇՁԲ-24/20 ծածկագրով գնման ընթացակարգի արդյունքում 21.06.2024թ. Վարդենիսի համայնքապետարանի և «Ավետիս-Խեցի» ՍՊԸ-ի միջև կնքվել է ՀՀԳՄՎՀ-ԳՀԱՇՁԲ-24/20-1 ծածկագրով պայմանագիր: Պայմանագրով «Ավետիս-Խեցի» ՍՊԸ-ն պարտավորվել է իրականացնել Վարդենիս քաղաքի բազմաբնակարան բնակելի շենքերի (Լեռնագործներ 1/1, Խ. Ստեփանյան 9, Հ. Արզոյան 2 և 9 հասցեներ) տանիքների հիմնանորոգման աշխատանքները:

Ըստ 13.12.2024 թ. կնքված թիվ 1 համաձայնագրի՝ շինարարական աշխատանքները համարվել են մեկնարկած, սակայն մինչ 28.08.2025 թ. որևէ աշխատանք չի կատարվել: Պատասխանատու ստորաբաժանման մասնագիտական եզրակացության հիման վրա Վարդենիսի համայնքապետարանը նախաձեռնում է պայմանագրի միակողմանի լուծարման (ամբողջությամբ) գործընթացը՝ պայմանագրի 3.1.4 կետի «ա» ենթակետի

հիմքով (կապալառուն չի սկսել աշխատանքները կամ դրանք իրականացնում է այնպիսի դանդաղությամբ, որ դրանց ժամանակին ավարտը դառնում է անհնար):

Հաշվի առնելով վերոգրյալը՝ «Ավետիս-Խեցի» ՍՊԸ-ին առաջարկում ենք սույն ծանուցումը ստանալուց հետո **5 (հինգ) բանկային օրվա ընթացքում** Վարդենիսի համայնքապետարանի գանձապետական **հաշվեհամարին՝ «900155101091»**, փոխանցել պայմանագրի կատարման ապահովման և որակավորման ապահովման գումարները:

Պայմանագրի լուծման արդյունքում վճարման ենթակա գումարներն են.

- Պայմանագրի կատարման ապահովման գումար – 10,117,000 (տասը միլիոն մեկ հարյուր տասնյոթ հազար) ՀՀ դրամ,
- Որակավորման ապահովման գումար – 15,175,000 (տասնհինգ միլիոն մեկ հարյուր յոթանասունհինգ հազար) ՀՀ դրամ:

Տեղեկացնում ենք, որ եթե վճարման ենթակա գումարները փոխանցվեն Վարդենիսի համայնքապետարանի վերոնշյալ հաշվեհամարին, ապա Ձեր նկատմամբ չի կիրառվի «Գնումների մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված դրույթները:

Համաձայն «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի պահանջների՝ պայմանագրային պարտավորությունների խախտման դեպքում մասնակիցը կարող է ներառվել գնումների գործընթացին մասնակցելու իրավունք չունեցող մասնակիցների ցուցակում:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում, Պատվիրատուի ղեկավարի պատճառաբանված որոշման հիման վրա, լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում:

Հարկ ենք համարում նաև նշել, որ ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի 33-րդ կետի 17-րդ ենթակետի համաձայն՝ պայմանագիրը ամբողջությամբ և միակողմանի լուծելու մասին ծանուցումը պատվիրատուն հրապարակում է տեղեկագրում:

ՀԱՄԱՅՆՔԻ ՂԵԿԱՎԱՐ

ԱՅԱՐՈՆ ԽԱԶԱՏՐՅԱՆ